



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

CVII. Wilke Zudem, Bürger zu Potsdam, überläßt dem Kloster Spandow eine Hebung vom Großen Garne zu Potsdam, am 1. April 1418.

[urn:nbn:de:hbz:466:1-54728](https://nbn-resolving.org/urn:nbn:de:hbz:466:1-54728)

on geverde. Neme aber die Molle ungerlichen schaden von feuer, wasser oder gotz verhengnis wegen, do got vor sy. darumb sollen sy uns nicht pflichtig sin etc. — Geben und gescheen tzu Costnitz, 1418, am heiligen Osterabend.

Nach dem Churm. Lehnscopialbuche. G. B. v. Raumer's Cod. cont. I, 134.

CVII. Wisse Zudem, Bürger zu Potsdam, überläßt dem Kloster Spandow eine Hebung vom Großen Garne zu Potsdam, am 1. April 1418.

Vor allen luden, dy dessen breff seen vnde horen lesen, Bekenne ik Wilke Czudem, borgher to Postamp, vnde myne rechte eruen like sakeweldighen apenbar in dessen mynen open breue, dat ik van nodes wegghen dorch behoffes willen mynes vnde myner eruen myd wolbedachten mude vnde willen redeliken vnde rekkeliken hebbe vorkofft vnde vorkope myd macht desdes breues den werdighen gheystliken klosterjunckfrouwen Elyzabeth Bellin vnde Anna hakenberges vnde ok der gantzen Samenunghen des Junckfrouwenklosters vor Spandow to ewyghen tyden viff vnde druttich bemfche grossen jerliker renthe in deme verdendeyle des Postampchen gharnes, dat done to der tyt hadde Pauwel freter vor Achte bemfche schok ghuder bemfcher grossen, dy my Er Johannes Rauesteyn, to der tyt junckfrouwen prouest des gnanten klosters, wol to dancke van der junckfrouwen vnde des klosters wegghen heft gegheuen, betalet vnde vornughet vnde vort in mynen framen mynen nöt dar mede to schüttende ghekamen sint. Dy vorfcreuene vyff vnde druttich bemfcher grossen jerliker renthe schal dy besitter des gharnes Pauwel freter vpp genant vnde wyl vnde alle fyne nakomelunge Meysters vnde besitters des gharnes scholen vnde wyllen vppe vnser leuen ffrouwen daghe lichtmissen na datum desdes breues ersten an, Dar na denne alle jar van jare to jare vppe dy gnante daghe tyd lichtmissen, to ewyghen tyden gheuen, bringhen vnde bureyden vppe ore eyghen terunghe vnde koste In dat junckfrouwenkloster Spandow den vorgescruenen klosterjunckfrouwen, der gantzen Samenunghen effte oren proueste ane enygherleyge Inval, hulperede vnde geuere vnde schal en des myd mynen eruen vnde myd des besitters des gharnes eyn ghut ghewere sin vor allermenniglich, Also dy duchtighe Lodewich van der grobene dessen kop heft gededinghet, to ewyghen tyden vnuorbroken to holdende, myd andern mer loffwerdighen, dy dar by an vnde ouer sint gewesen. Des to orkunde vnde grotter bekantnisse hebbe ik wilke Czudem vor my vnde myne rechte eruen alle likefakeweldighen myn Inghesehel vor an vnde dy gnante Lodewich van der grobene dedinghesman desdes köpes dar neghest syn Inghesehel wiliken laten henghen an dessen open breff, dy gegheuen is na cristi gebord verteynhundert Jar, dar na in deme Achteynden Jare, des ffridaghes in den hillighen Paschen.

Nach dem Originale des Geh. Staats-Archives.